

P E D E M O N T I V M.

Catholicus, Comitem & successores illius, atque subditos, recipit in patrocinium; illosque contra D. Sabaudia & omnes omnino Principes proteget & defendet; vicissim Comes partes Hispanicas sequetur adversus quoscunque. 2, Rex Catholicus daturus est Comiti 4000 militum, & argentum ad totidem conducendos; & Comes promittit intra trimestre spatium Regi tradere civitatem, arcem & Comitatum Nicæensem; Rexque Comitatum & subditos omnes Comiti tanquam Domino absoluto relinquet, excepta solum civitate Nicæa, Villafranca, Sospello & duobus aut tribus aliis locis; quorum tamen Comes & Successores illius perpetuo Gubernatores existent. 3, Rex Catholicus annuatim & in perpetuum Comiti pendet viginti millia coronatorum. 4, Comes à Rege accepit per deputatos suos duodecim millia coronatorum. Cum autem aura hujus rei ad aures Galliarum Regis accidisset, & Comitem monuisset, ne se cuiquam præterquam sibi addiceret, poenitere facti videri voluit, sed nihilo secius cum Hispanis egit, & etiam quædam in præjudicium Galliarum regis clam molitus est; quæ hic referre longum esset; plenius autem commemorantur in Confessione D. Honorati Malbequii, quam Auctor Mercurii Gal-

lici tomo VII inferuit. Quid multa? Comes Bobiensis hoc pacto se suosque perdidit; & Dux Sabaudia compos est factus illius Comitatus.

Addam hic quasi coronidis loco Taurini & Segusii, Pedemontii civitatum, elogia ex I. Scaligero.

T A V R I N V M.

*Excipiens gelidas patriis ex Alpibus auras
Hesperii princeps jus capit una soli.
Terra ferax, gens leta, hilaris, addicta choreis:
Nil curans quicquid crastina Luna vebat.
Ingenium natura aptum, sed more solutum:
Plus animo capiens, quam dare possit ope.
Felix Marte novo, felix melioribus armis,
Namque recens acuit pectora lenta metus.*

S E G V S I A.

*Nequicquam indomito vallata Segusia muro
Ausoniis aditum dat tibi, Galle, bonis.
Gens infida, ferox, animoque armata bilingui:
Iuratis unquam vix stetit illa Deis.
Sordida mens, lucrique frequens intentæ venenis,
Italici retinens nil nisi jura loci.
Perfimilis, pejorque suis, scelere obruta, saxis.
Non sunt Pontificis noxia saxa nece.*

